

# جریدہ علمیہ

مشتی جلیلمہ اسلامیہ نمک جریدہ رسیہ سید

رجب ۱۳۳۷

عدد ۴۵

آیدہ بر نشر اول نور

دوبھی سنہ

## نشریات خصوصیه

### دولت اسلامیه نك تعقيب ايتديكى طريق

كتم خير امة اخرجت للناس  
تأمرون بالمعروف وتنهون عن المنكر

دولت اسلامیه نك بر غایه سی ، برده او غایه یه وصول ایچون بر طریق واردر ؛ اساسلری مراقبه الهیه ده بولان دولت اسلامیه نك تعقیب ایتدیكى طریق الك واضح ، الك سالم بر طریق ؛ غایه سی ده الك کامل بر غایه در . دولت اسلامیه رعایاسنك دنیا و آخرتده مسعود اولمسی غایه امل عد ایدر ؛ دین اسلام سالکترینک حیاتده تابع اوله جنی قواعد اخلاقیه واجتماعیه یی تعلیم ایدر ؛ دین اسلام اوله بر دبندرکه یالکمز سالکترینی دکل ، بلکه بتون بنی بشر ایچون خیر تعقیب ایدر . چونکه بتون نفوس بشریه یی تهذب ایتمکی ، امم واقواء بشریه یی تربیه ایلمکی در عهده ایدیور ، اخوت عامه بشریه تأسیس ایدیور . دولت اسلامیه ناسی خیره دعوت ایدر . انبیا بشری خیره سوق ایدر ، حکما خیر آدار ؛ قرآن خیره دعوت ایدر ؛ میزان خیری توصیه ایدر . خیره دعوت ایچون ایشلمسنی لایق اولان ایشی فعله ، بالعکس ایشلمسی لایق اولمان ایشی ترکه ترغیب ایله حاصل اولور . بوکا مبنی دولت اسلامیه تعقیب ایتدیكى غایه یه واصل اولق ایچون انجق امر بالمعروف ، نهی عن المنکر طریقنه سلوک ایدیور . امت محمدیه نك خاصه سی امر بالمعروف ، نهی عن المنکرده دیگر امتدن حالا اقوی اولق دره . امر بالمعروف ، نهی عن المنکرده اس اساس مخافه الله در . هر ایولک الله قورقوسندن طوغار ، دنیانک نظامی الله قورقوسی ایلدر ، معروفی امر ایدن ذات اللهدن قورقارده امر ایدر ، منکری نهی ایدن ذات اللهدن قورقارده نهی ایدر ، اللهدن قورقان حقدن آریله مز . معروفی امر ، منکری نهی ایدن ذاتک اول باول معروف و منکری بیلمسی ، خیری شردن آیرمسی شرطدر ؛ یوخسه امت باطله دعوت اولتور ، امتدن معروف نهی اولتور ، امته منکر امر اولتور ؛ ارتق مقصد الدن کیدر ، سعادته بدل فلاکت حاصل اولور . بوندن طولانی امر بالمعروف ، نهی عن المنکر معروف و منکری بیلان ذاته مودوع اولور .

امر بالمعروف ، نهی عن المنکر هر امت ، هر مکلفه فرضیدر . حتی فرضینی حجت فرضیتندن دها . مؤکددر ؛ امر بالمعروف ، نهی عن المنکر جهاددر ، حتی جهاددن افضلدر ؛ حال جهادده نصل سیفدن قورقیلمزسه امر بالمعروف ونهی عن المنکردهده مکاره ومخاوفدن قورقیلمز ، منکرآز کورن نهی ایدر ، بشقهسه منتظر اولماز . سنت انبیا بودر ، سنت سلف صالحین بودر . خیر وشری ، معروف ومنکری تمیز ایدن هر مسلم ناسی خیره دعوت ایدر ، معروفی امر ایدر ، منکری نهی ایدر . ﴿ کانونا لایتناھون عن منکر الایة ﴾ نظم جلیلک ظاہری بوکا دلالت ایدر . چونکه قرآن مینده امم سالفهیه عائد اولان اخبار وقصص انجیق انلردن عبرت المقلغمز مقصدیلہ بیان بیورلمشدر . دقت اولنسون کوریلیرکه آیات جلیلهده اخبار وقصصک هانکی طرفی عبرت آیز ایسه انجیق اوطرف ذکر اوانور ، یوخسه تاریخ کتابی کبی بر وقعه تمامیلہ ایضاح اولونماز .

نظم جلیل مذکور یکدیگرلرنی ایشلمش اولدقلری منکراتدن نهی ایتدکلرندن طولانی بنی اسرائیل حقدده « نه کوتو ایش ایشلمشلرایدی ! » بیوربور . ذاتاً فعل نی دن ، فعل اصحاب نی دنده مستفاد اولان بودر . حتی یوبایدہ اصحاب کرام اذن المقتضین امر ونهیده بولنورلرایدی ، بوحال اره لرندہ شایع ایدی ، انلردن برانکارده واقع اولماش ایدی . اکلاشیایورکه امر بالمعروف ، نهی عن المنکرده ولی الامر دن اذن ده شرط دکلددر . شو قدر که امر بالمعروف ، نهی عن المنکر فتنه نی مؤدی اولور ایسه مندوب اولماز ، حرام بیله اولور .

فی لواقع بعضلری امر بالمعروف ، نهی عن المنکرده « امن علی النفس » شرطنی بیان ایدیورلر ایسهده مذهب مختاره کوره بوده شرط دکلددر .

امت تناهی وناآمر ( بری برینه امر ونهی ایتک ) ایله هیئت اجتماعیهده سعادت عمومی حصولنه عمومک قوتیلہ چالشمی تکافل عمومی آلتنه آلمش اولور ، سعادت مادیه ومعنویه نی استحصال ایتک یکانه طریق مقتضای عقل ایله قواعد طبیعتہ ، سنن الهیهیه موافق حرکت ایتکدره ، بوا یسه ارشادات قرآنییه امتثالاً اوامر الهیهیه اتباع ونواهی سبحانهیدن اجتناب ایله حاصل اولور . تناصح ایله ( افرادینک هر بری دیگرینه نصیحتہ قیام ایله ) منکراتک شیوعی مستحیل اولور ، افراد امت اره سنده معروف مستقر اولور ، اره لرندہ تفرقه یه برمنقذ قالماز ، دینده اختلاف بیله برطرف اولور .

امت اره سنده تا امر و تنهای اولمزسه امت فسادده دوچار اولورده امت از تنکاب منکر اتدن ساکت اولورسه امت اسمندن جیقار ، بارچه بارچه اولور ؛ اره لرنده جامعه قالماز . چونکه امت افراددن مرکب بر جماعتدر که اره لرنده بر رابطه بر وحدت واردد ؛ مجموعی بر بنیه نك اعضایی کبی در .

امت انجق امر بالمعروف ونهی عن المنکر ایله خیر امت اولور ، صلاح عباد ، صلاح بلاد انجق امر بالمعروف ، نهی عن المنکر ایله حاصل اولور . شعار دینی ، حدود الهیه انجق امر بالمعروف ، نهی عن المنکر ایله اقامه اونور . بر معصیت خفی قالیرسه انجق صاحبیه مضرت ویرد ، فقط ظاهر اولورده انکار ونهی اولونمزسه مضرت عمومیه سرایت ایدر .

شورایی اونودلمسونکه دعوت عامه به متصدی اولان ذات دعوت ایتدییکی شی ایله متصف اولمی ، امر بالمعروف امری قبول ایتلی ، ناهی عن المنکر منهی عهدن قاچنملی یعنی امر و انکار نهی و انتهای جمع اولونماید :

لا تنه عن خلق وتأتی مثله . عار عليك اذا فعلت عظیم .

امر بالمعروف ، نهی عن المنکر رابطه وحدتدر ، جامعه بی حفظ ایدن ، فرقی منع ایدن امر بالمعروف ونهی عن المنکر در . معروف عقول و طبایع سلیمه نك مستحسن کوردییکی ، منکر بالعکس مستقیح کوردییکی شیدر ؛ معروف عقلاً و شرعاً ای اولان ، منکر عقلاً و شرعاً کوتو اولان شیدر . بوباده مرشد سلامت فطرت ایله برابر کتاب الله ، سنة رسول الله ، عمل اصحاب رسول الله در . امام احمد و مسلم و اصحاب سننک ابو سعید الخدریدن روایت ایتدکری « من رأى منكم منكراً فليغيره بيده فان لم يستطع فبأسانه فان لم يستطع فبقوله وذلك اضعف الايمان » حدیث شریفی موجبجه هر کس امر منکری تغییره قایلشیر ، قدرت و استطاعتی وادایسه منع و تغییر ایدر ، مثلاً یاغی ، اون نقیثش ایدن بر کیمسه بی کوریر ایسه انی تغییر ایتک واجب اولور ؛ لندن گلزسه دیلی ایله تغییر ایدر ، بو کیمسه به وعظ و نصیحتده بولنور ، حتی حاکمه بیلله مراجعت ایدر ؛ لندن هیج برشی گلزسه فاعله بغض ایدر ، فعل منکردن راضی اولماز . امر بالمعروف ، نهی عن المنکر اهمیتی ایشته بوندن ناشیدر . شیوع منکرات امتک بادی تهلکه شیدر :

واقفوا فتنه لاتصيان الذين ظلموا! منكم خاصة .



جناب حقك امته واجب قبلدینی امر بالمعروف ، نهی عن المنكر انجق قوت وامارت ايله تمام اولور ، چونكه بالفعل ازاله ايدمه جنك اولان امر وناهی حكومتدر ؛ نته كیم واجب اولان جهاده ، عدل ، مظلومه نصرت ، حدودی اقامه ، حیی اقامه ، صلاة جمعه وعیدی اقامه ده اتجق قوت وامارت ايله تام اولور بوكامینی « السلطان ظل الله فی الارض » نری وارد اولمشدر . حتی « سلطان جائرایله التمس منه بولونمق برکیجه سلطاننیز بولونمدهن اصلحدر » بیله دینلمشدر . شمدی یه قدر درلو درلو ظهور ایندن حادثات اجتماعیه بی تجربه وتدقیق ایندن بوسوزی تصدیق ایدر لر ظن ایدرم . فضیل بن عیاض ، احمد بن محمد بن حنبل وسائر کبی سلف امت بوندن ناشی « بزم قبول اولنه جق بردعاض اولسیدی سلطانه دعا ایدر ایدك » دیمشدر ایدی .

ولی الامر انجق امر بالمعروف ، نهی عن المنكر ایچون نصب اولونمشدر ، ولایتدن ، حکومتدن ، امارتدن مقصوده بودر . ولی الامر الله اطاعت ، الدن کلدیکی قدر مصالح عبادی رؤیت قصد ایتملیدر ، ولی الامر فرائض دینی ، صدق ، امانت ، بر والدین ، صلته رحم ، حسن معاشرت ... الخ کبی معروفی امر ایدر ؛ مجمع علیه اولان محرمات ظاهره بی ؛ غش ، کذب ، خیانت ، یول کسمک ، غصب وغارتہ قالشقمق ، مملکتده آسایشی اخلال ایتمک ، بر فساد چیقارمق ... الخ کبی مفاسد اجتماعیه بی ؛ نکاحی شرعاً جائز اولمان قادینی نکاح ایتمک ، ستی واجب اولان اعضایی ستر ایتمک ، ... الخ کبی انسل وعرضه عائد اولان مفسداتی ؛ خلاصه بتون منکراتی منع ایدر . ترک واجباتدن طولانی ، فعل محرماتدن طولانی فاعل لرینی عقوبته دیر چار ایدر ؛ حتی منع فساد ایچون ؛ اقامه حدوده تمکن واققدار ایچون زمره مفسدینه قارشو قتالده بیله بولنور .

امر بالمعروف ونهی عن المنكر تدریجی در . بوبابده قاعده « الارفق فالارفق » دن باشلایه رق و الاغلظ فالاغلاظ . قدر واریر ؛ موعظه ونصیحتدن باشلانیر ، تهدیده ، حبسه وسائر عقوباته قدر واریلیر .

الحاصل ولی الامر منکراتک شیوعنه اصلا مساعده ایتمز . مجرد نهی عن المنكر مقصود اولخله شکلی رفع وازالده مصلحته رعایت ایدر ، درایت ونفوذ نظرینه کوره معامله ایدر . صدق ايله ، وقتاً بعد وقت بلادده تعاملک اختلافه کوره اقوال فقهایه اتباع ايله دینی ، عقلی ، عرضی ، دمی ، مالی صیانت ایدر .

دين الحق امارت ، ولايت امر ايله قائم اولور ، دين اسلام انجق دولت اسلامه نك  
عاسي ايله قائم دولت اسلاميه نك اقراضى ايله مقرضى اولور صلاح دين و دنيا ايچون  
ارم ولا مصلح و مقاصد شرعيه نجق جمعيت ايله تام اولور . هر جمعيت ايچون رباش  
بولونمق ضروريدر . ابو داودك تخریج ابتدیكى بر حدیث شریف موجبجه امام الحکام  
سید الانام اقدمن حضرتلى « اوج کشی بر سفره چقارسه ایچلرندن برنی امیر قیلسونلر ،  
بیوربور ، سفر ائساننده کی اوفه حق بر جمعیتده برینک امیر قیلنمسی امر ایدن نی ذیشان  
بونکله سازانواع اجتماعیه ده بر امیره تنیه ایتمش اولور . باشسزانی ، آنا رشیدستکی کو کندن  
قوپار یور .

امارت واجبات دینه نك الك بیوکلر نندندر ولايت امر ، امارت امر دینی در ، اوبله  
برقربتدر که انکله الله تقرب اولنور . الله ، رسول الله طاعت ايله برابر قربت امارت افضل  
قرباتدر . نه چاره که برچوق کیمسه لرك مجرد ریاسته ویا ماله ویا شهرته اولان احتراصلری  
دینلرینی افساد ایدور ، رؤسای امور رؤسای مفسدین اولور .

دنیا ده الك کوتو ولايت الك کوتو حکومت حکومت فرعونیه در : ان فرعون علفی الارض  
وجعل اهلها شیعا يستضعف طائفة منهم یدبح ابناءهم ویتحیی نساءهم انه کان من المفسدین ، نظم  
کریمی موجبجه فرعون مصرده خاقی حقیر کوریر ، خلقه جبروت و عظمتده بولنور ؛  
اهالی نی تفرقیه دوشور و بر قسمی زبون و مقهور ایدر ؛ ارکک جو جققری بوغازلار ؛  
قادینلری آلیقور ایدی ؛ چونکه مفسدیندن ایدی . اوتقی تبعه سی استحقار ایدن ؛ تبعه سنه  
قارشو تحکمه قالدیشان ، کبر و عظمتده بولان ، تبعه سی تفرقیه دوچار ایدن ، اولدیرن ،  
تبعه سنه ظلم و غدر ایدن بر حکومت حاشا حکومت اسلامیه دکل ، حکومت فرعونیه اولمش  
اولور .

دار الحکمة الاسلامیه اعضاستندن

ازمیرلی

اسماعیل حق

